

欽定平定教匪紀略

欽定平定教匪紀畧卷六

九月二十四日亥

上頒示

硃筆諭諸王大臣曰逆匪突入禁城實非常之大變
今雖首逆伏誅餘黨就戮閭閻安輯城市如常此
正我君臣卧薪嘗膽之日永懷安不忘危之念勵
精圖治夙夜在公庶幾補救前非仰承

天眷因思十月初六日爲朕壽辰國家典禮自初三日
至初九日俱穿蟒袍補褂正日御正大光明殿受
賀此定例也今歲突遇此禍若仍照常年典禮而
行朕實無顏受賀況軍書交馳邪氛未靖尙有何
心宴樂乎非博虛名實無暇也向年俱進如意卽
日回賞原上下聯情之意耳今遇大不如意之事
豈可復行呈進朕不見此物轉覺心安見物思名

益增煩悶矣今酌省繁文刪予警惕之念諸王大
臣愛戴之忱仍可得伸著於初五初六初七三日
穿蟒袍補褂初六日朕御乾清宮皇子諸王貝勒
貝子公文武頭品大臣二品內廷行走諸臣御前
侍衛乾清門侍衛俱在乾清門內行禮二品文武
大臣三四五品京堂俱在保和殿階下向乾清門
行禮除此俱在本衙門行禮作樂排儀仗照常不

金史卷一百一十五 禮志一 卷一百一十五
必宣表行禮後朕酌簡數人進寧壽宮入座賜宴
勉盡一日之歡而已至歲朝禮節一切如常彼時
亦不矯情刪改此次壽辰實無心緒爾諸臣勿行
奏籲副朕苦衷爲是特諭

是日

上命

二阿哥

三阿哥詣

雷神廟

時應宮拈香

九月二十五日戊子和碩禮親王昭槤等奏言本

月二十四日臣等恭讀

硃筆諭旨仰維

皇上廕安不忘危之心

最敬爾在公之義今於

萬壽聖節酌減禮儀祇讀

訓言何敢再行瀆請惟臣子臚祝悃忱實難自己謹

擬於

萬壽聖節前後初三初四初八初九四日俱穿補服

初十日本係應穿補服之期是日

皇后千秋令節擬穿蟒袍伏望

鑒允稍伸下忱奏入

上批示

硃諭曰勉從所請實深愧憤初十日不必穿蟒袍稍示區別願諸王大臣清夜捫心究竟欲作何等人成何等事業三思而行勿甘暴棄朕亦無顏瀆告矣

臣等謹按書云謙受益易曰恐致福言乎盛

德之至務自貶損于以基厚集益凝景福于

方來也我

皇上恭儉莊敬導民厲俗

乾惕深衷固已匪朝伊夕矣茲因變出非常

頒示酌減令節禮儀之

諭

睿懷沖抑儆戒無虞翼日臣工攄忱籲懇

丹毫申勗惕庶維虔逾月

南郊大祀又復

特降諭旨不御輦不設鹵簿蓋

嚴恭寅畏之誠無時或釋夫是以格

天降祥動罔不吉詩曰聿懷多福良由於

翼翼小心已

九月二十六日己丑高杞奏言竊臣仰蒙

恩命再署撫篆回豫帶兵

臣

於本月二十日馳赴衛

輝面晤藩司台斐音詢知濬縣賊匪經官軍剿

散竄回道口滑縣等處十九日復攻濬縣經該

鎮將等出擊殺斃多人

臣

卽星夜前往於二十

一日酉刻馳抵濬縣總兵色克通阿叅將張拱

辰陳弼均在彼駐劄據探馬報稱賊衆較前次

更多約有數千

臣

聞報實深憤恨卽督同色克

通阿張拱辰陳弼等帶領備弁兵丁迎赴前途
十餘里果見賊匪蜂擁前來臣等卽帶領將備
弁兵鎗礮齊發賊匪抗拒數時抵死不退我兵
人人痛恨奮勇直前殲斃匪徒二三百人生擒
六十一名餘匪竄逸奪獲大礮八尊並騾馬器
械白旗牙笏等件又搜出冊檔四本其首頁卽
開載後天祖師林清字樣臣提犯嚴審內有蔡

成功一犯賊衆指爲蔡四大王其僞封較牛亮
臣爲大訊據供稱濬縣毛村人總祖師林清因
我武藝漢仗都好封我爲大王濬縣一帶聽我
勾結調遣又有副頭目牛亮臣李第四于第七
李成功張振功劉順王樹王煥章黃成功馮克
善他們封的是元帥職官還有今日拏獲的徐
夢林是封宰相滑縣連關廂共有一萬餘人東

鄉一千餘人濬縣道口二千餘人今日我同徐
夢林率領頭目劉順張振功李第臘等帶着五
千多人前來打仗因我腿中鎗傷致被擒獲冊
檔是我攢造礮位就是滑縣城內搶得等供質
之徐夢林等供各相符查蔡成功僞封王爵領
兵拒敵罪不容誅臣於審明後卽將該犯臠割
示衆徐夢林等概予駢首以快人心而彰

國法現在賊數尙多

臣

帶兵僅止二千不敷分剿

現已飛調滿營暨荆子關兵共二千四百名以

資剿辦至陝西提臣楊遇春久愿戎行曉暢軍

旅該提督奉

旨赴直必經衛輝仰懇

聖恩勅諭楊遇春先來濬縣幫同臣剿捕益資得力

再查濬縣前此被圍緊急幸賴該縣朱鳳森悉

力固守並懲滑縣奸細內應失守之誤搜出城
內細作概行正法始得保全現在濬滑二縣村
莊間有自行練勇防守者臣面加獎勵紳士等
均極踴躍自連次克捷賊匪膽落相距濬滑稍
遠之處均屬寧謐堪以仰紓

宸廑

同日同興奏言竊

臣

於二十一日馳抵曹州沿

途晚種高粱尙未刈獲不意其中竟有奸細潛
窺當經拏獲審訊係密來探聽臣帶兵多寡消
息者審明後卽行正法茲探得逆匪仍在附近
曹定一帶分作三股聚於該境之牛家集何家
樓髻山等處相距均不過六里八里之遙意欲
聯絡聲氣以待官兵情實可恨臣現在分兵密
布曹單兩城使賊匪不敢窺伺並於附近城武

嘉祥鉅野金鄉鄆城觀城朝城濮州魚臺等九
州縣俱各添兵數十名聯絡防堵一面飛催在
後各起官兵并續調青州駐防兵二百名趕緊
前來以便相機兜剿仍俟兵力歇足一鼓撲滅
惟所調官兵合計已逾四千後路糧餉最關緊
要臣已先提司庫銀十萬兩委員解貯東昌應
請

勅派藩司朱錫爵駐劄東昌總辦一切軍需兼可鎮撫各處臣仍撥給所調登鎮兵五百名令其管領彈壓如有附近請兵之處隨時派撥以壯聲援並令該司於藩運兩庫再提銀三十萬兩帶往設立總局按款支發無誤供應

同日百齡奏言竊臣連次恭接

諭旨仰見

聖明厪念江境邊防

指示周密曷勝欽服

臣

隨即分別咨行江南提鎮迅

速分投帶兵前往防禦其壽春鎮總兵喀勒吉

善因

陛見尙未回任

臣

前已飭行署總兵陳均帶兵星馳

堵禦並咨會安徽撫

臣

胡克家一體移飭自己

遵照嚴密防守現據徐州鎮總兵沈洪呈報該

鎮於十六日帶兵四百名前赴曹單一帶十八日行至單縣地界差探匪徒聞風竄向西北金鄉葦子坑地方焚掠該鎮因接奉

諭旨飭令挑帶兵丁一千名迎赴曹州一帶堵剿遵卽續調官兵六百名派都司張佑溪程時霖分赴曹單會合相機迎截等語查匪徒奔竄無定前已至豐單交界之曹馬集距豐縣城僅五十

里因聞江境官兵前往防禦旋即竄回現在豫東直隸俱有官兵追剿恐西北兵盛賊又折竄東南徐州爲江境門戶民情强悍此時鎮臣已帶兵前赴東境後路空虛自應亟以重兵策應現在臣所調江寧鎮江各標營兵丁卽催令僱程行走其淮安河標官兵六百名業已分三起啟程適有病痊總兵樊雄楚聞知賊信來至清

江該鎮帶兵曾被礮震雖左耳重聽右耳尙聰
前在廣東隨臣辦理洋匪甚爲得力當令其會

同候補道毓岱先行管帶頭二起官兵馳往接

應臣亦卽帶同河庫道徐炘督率後起官兵前

進提臣烏爾卿額亦計日可至徐州伏思兵力

以分而見單北面豐沛一帶與曹單接壤路徑

分歧旣無險要可扼而南面蕭碭地方因黃河

上游旁洩涓涓細流雖將渡船調泊南岸亦可
徒涉邊界路路可通安徽鳳臺宿州等處現據
報睢州漫水下注民情恐亦驚惶臣已咨會撫
臣胡克家將被災處所速行查明妥爲安撫目
下情形既需彈壓饑民又需堵截逆匪以現調
之兵分布於沿邊要路及黃河南北兩岸安營
設卡仍屬零星恐勢不能聯絡臣通盤籌畫已

知會提臣於欽遵挑帶官兵一千名外另行挑
備二千名俟到徐後察探賊蹤如匪徒已迅就
撲滅併前次所調官兵亦可停止倘須續行添
調卽一面奏

聞一面調用不敢拘泥坐誤至應備糧餉等項先就
近於河庫酌撥銀兩遴派候補知府錢有序等
隨營核實經理無許浮濫仍知會撫臣朱理併

檄飭藩司慶保陳觀等另行籌備以資接濟

同日章煦奏言查日內溫承惠所調正定督標
兵丁已到大名提標宣化官兵已經過境續調
之兵亦計日可到頃接東明縣稟報賊匪有焚
掠裹脅良民向西奔竄者又據天津道稟報河
間景州一帶亦有邪教匪徒臣已飭令天津鎮
總兵祥啟在彼加意彈壓至保定省城時有謠

言臣惟處以靜鎮密派城守尉城守營暗爲防
備夜間擊柝相望密傳軍號城外地方選派明
幹員弁扼要盤查形跡可疑之人商賈民情現
俱安堵其糧餉事宜臣與司道等連日籌畫預
備已有條理各州縣辦理過兵事宜一切車馬
等項均可應付無誤民情漸臻安輯

同日福長安奏言查河南滑縣教匪滋事前經

溫承惠馬瑜帶直省官兵四千名前往剿捕茲
臣接准溫承惠來文行令續派古北口四營官
兵五百名山永協官兵二百名三屯協官兵二
百名河屯協官兵二百名昌平營官兵二百名
石匣營官兵二百名共兵一千五百名令卽前
赴大名會剿賊匪臣案查從前進剿川楚逆匪
時附近

畿輔各營官兵派出較少恐近日逆匪林清不法
之案溫承惠尙未聞知臣固不敢貽誤軍務亦
不敢冒昧從事除檄飭照數預備外理合奏
聞均奏入

上諭內閣曰高杞奏濬縣賊匪經前次官兵殲擒數
千後餘匪竄回道口滑縣等處連日仍敢前來窺
伺該署撫督同色克通阿張拱辰陳弼帶領備弁

兵丁鎗礮齊發賊匪抵死抗拒官兵奮勇直前殲斃三百餘人生擒六十一名奪獲騾馬器械甚多搜出冊檔四本首頁開載有後天祖師林清字樣提犯嚴審內蔡成功一犯衆賊呼爲蔡四大王其僞職卽係林清所封濬滑一帶聽伊勾結調遣並有被獲之徐夢林一犯亦受林清僞封宰相該署撫於審明後卽將該犯蔡成功等臠割示衆等語

高杞於馳抵豫省卽督率將弁奮勇殺賊生擒受
賊偽封之著名賊目蔡成功徐夢林等審明正法
並搜獲賊黨冊籍甚屬可嘉高杞著交部議敘
縣知縣朱鳳森經賊匪屢次攻城該縣守禦完固
並將城內奸細查拏正法以絕內應朱鳳森著加
恩賞加同知銜先換頂戴以示鼓勵

上又諭內閣曰山東現有剿捕賊匪事宜著二等待

衛文孚馳驛前赴東昌會同藩司朱錫爵經理糧
餉

上命軍機大臣傳諭溫承惠高杞同興曰本日據高
杞奏稱潯縣賊匪經前次官軍剿散竄回道口滑
縣等處連日仍敢前來窺伺該署撫督同色克通
阿張拱辰陳弼帶領備弁兵丁鎗礮齊發賊匪抵
死抗拒官兵奮勇直前殲斃匪徒三百餘人生擒

六十一名奪獲騾馬器械甚多又搜出冊檔四本
首頁開戴有後天祖師林清字樣提犯嚴審內蔡
成功一犯衆賊呼爲蔡四大王其僞職卽係林清
所封濬滑一帶聽伊勾結調遣並有被獲之徐夢
林亦受林逆僞封宰相該署撫於審明後卽將該
犯蔡成功等擡割示衆等語逆首林清膽敢倡造
逆謀僞封官職四出煽惑今天奪其魄於禁門滋

事後潛匿近郊經步軍統領衙門差役緝獲現已將該首逆廷訊處以極刑其附近從逆之著名各犯如陳爽陳文魁劉進亭屈四劉興禮李潮佐等犯無不按名弋獲悉予駢誅該逆犯家屬亦全數拏獲按律緣坐豫省又將偽封之著名賊目蔡成功徐夢林臨陣生擒駢首就戮刻下官兵四面兜剿賊氛不日即可殄滅念各處脅從附和之衆本

係鄉愚被賊匪誘惑著溫承惠高杞同興於附近
州縣村莊廣行出示曉諭以首逆林清倡立邪教
圖謀不軌該逆黨奉若神明及破案時不過二三
捕役卽刻鎖繫送獄身罹寸磔現將該犯首級傳
往豫東一帶懸竿示衆可見鬼蜮伎倆不過自取
誅滅現在滋事匪徒渠魁已戮悉皆喪魄亡魂不
難尅期殄滅其無知鄉愚平日爲邪說所誘及臨

時被其裹脅者此時當深明利害自顧身家或能
立時悔悟據實首明尙可貸其一死或先行解散
各歸鄉里亦可概免誅夷若冥頑不靈始終從逆
指日大兵雲集悉數翦除無能脫者禍福兩途惟
其自取該督撫等多張告示如此明白曉諭賊衆
中兇狡者必聞而股慄愚懦者必相率解散賊黨
漸孤於剿辦當更易爲力也

臣等謹按聖王以仁育萬物以義正萬民二者相輔而成亦並行不悖教匪本一二莠民鄉愚椎魯之徒被其煽惑日久附和愈聚愈多迨乎焚掠所至又復肆意裹脅以致烏合之衆實繁有徒使欲臨陣而區分之其勢有所不能使遂一鼓而殲滅之其情實亦可憫

我

皇上軫念生靈不忍使之盡罹鋒鏑

特命督撫出示曉諭開其悔悟之門由是陷賊者旣

獲自新從賊者亦希倖免趨避之下曲布

仁恩解散之餘遂孤賊勢轉瞬

王師大集掃蕩摧枯怙惡之流胥歸洗蕩惟

好生所以成廣大之德惟不殺乃以集

神武之勲也

上又命軍機大臣傳諭同興曰同興奏逆匪現在附近曹定一帶分作三股聚於該境之牛家集何家樓髡山等處該撫一面飛催在後各起官兵并續調青州駐防兵二百名仍使兵力歇足以期一鼓撲滅等語賊匪滋事已越旬餘現在河南濬縣等處賊匪經色克通阿等殲擒千餘名又本日據高杞奏伊於二十一日抵濬縣次日卽親督弁兵打

仗殲賊三百人生擒賊六十餘名并將其著名賊
目蔡四大王等擒獲正法兵威頗振已有旨將高
杞交部議敘同興於二十一日已到曹州此數日
內所調官兵亦應到齊著卽督同將弁將屯聚賊
衆迅速剿捕勿任賊勢散漫致延時日爲要其所
請令朱錫爵前往東昌辦理軍需一節刻已降旨
派文孚馳赴東昌會同朱錫爵經理同興一面剿

知朱錫爵起身前往俟文孚到彼與朱錫爵議定
章程交文孚駐劄東昌督率妥辦山東省城緊要
卽令朱錫爵回省彈壓

上又命軍機大臣傳諭百齡日前因直隸及豫東滋
事匪徒由西北向東南奔竄有旨傳諭沈洪帶兵
迎赴曹州堵剿並諭令烏爾卿額喀勒吉善帶兵
分赴徐州潁州一帶駐紮防守百齡因喀勒吉善

尙未回任令署總兵陳均先行帶兵前往分投堵
禦並慮及匪蹤狡獪恐經直隸東豫官兵追逼折
竄東南催令所調各兵僭赴徐州策應又知會烏
爾卿額另行挑備二千名俟到徐後察看調用所
辦俱合機宜該督到徐後務須督率官兵嚴密防
堵毋使賊匪一名闖入江境如果探明賊匪被逼
復行南竄卽應派兵迎截以剿爲堵總在該督相

機酌辦俾匪蹤不至蔓延爲要

上又命軍機大臣傳諭楊遇春曰章煦奏稱接據東明縣稟報有賊匪裹脅良民向西奔竄等語豫省賊匪現在衛輝滑縣一帶屯聚今直隸東明之賊向西奔竄必係與衛輝等處之賊聯合楊遇春此時由潼關進發衛輝係必由之路著探明賊匪所在會同豫省官兵迎頭截剿勿令奔逸計溫承惠

彼時大營亦必相距甚近楊遇春逼賊東向正可與溫承惠將賊匪一鼓殲除再接辦東省賊匪以次肅清毋稍稽遲

上又命軍機大臣傳諭章煦曰章煦奏現在籌辦一切情形其東明縣稟報賊匪有向西奔竄者現已諭令楊遇春迎頭剿辦至直隸保定河間一帶章煦務時刻留心相機鎮撫並督辦軍火糧餉各事

三
宜毋稍缺誤該省探有豫東邊境情形仍隨時具
奏

上又命軍機大臣傳諭福長安曰京城逆匪林清滋事之案現將首夥各犯殲除淨盡附近畿輔各營官兵仍須留資彈壓未便多行調撥著福長安於溫承惠指派各營內揀派官兵六百名前赴協剿其何營應調若干名由福長安自行酌派

同日朱錫爵奏言據荷澤縣知縣葉肇枬稟報
本月十一二十三等日賊匪從曹縣安陵集
竄入該縣境之畢家寨一帶經該縣武舉張燦
章已革武舉馮廷光等先期聯絡十餘村義民
千有餘人節次奮勇抵敵殺傷賊匪數百名餘
匪逃竄並據荷澤曹縣金鄉等縣各稟報連日
盤獲教匪奸細自十數人至二十餘人不等均

已立予正法奏入報

聞

欽定平定教匪紀畧卷七

九月二十七日

庚寅

上頒示

硃筆盡心竭力仰報

天恩諭曰九月十五日之變史冊所無我君臣相率怠玩於平時方罹此重罰幸承

天

祖垂佑雷厲風行大逆立誅餘邪漸熄若仍諸事怠忽苟且依違是自作孽不可活矣只知私家爲重國事爲輕誠昏愚之極矣有國然後有家國破家豈能存保國斯能保家一定之理也爲今之計密訪以滌其源安良以杜其慝譬諸虎狼噬人焉能絕其種類曳尾潛逃亦可網開一面矣以仁心化天下尙有此等逆徒若專事殘暴禍不旋踵而至

上蒼斷不保佑可不畏乎自今各思盡心竭力保國保家平日恩怨勿借此有事之秋先圖報復先公後私正心爲主先本後末安民爲急也邪教之起匪伊朝夕操刀犯闕詭計有年州縣懼干處分隱忍姑容養癰貽患至於如此試問地方大小官員何國之人則曰大清國之人也問其祿則曰君上所賜也問其職守則曰我不知也或曰與我何涉也

朕用是寒心況本無才德之主而庸碌者居半實
心保國之臣力不能敵深可悲也諸臣各盡乃心
各竭乃力辦實事與朕看庶幾仰答

天恩轉禍爲福在此寸心耳勉聽朕言願同朕志特諭
中外文武知之

臣等謹案詩曰靖共爾位正直是與神之聽
之式穀與汝忠盡可以獲福亮直可以蒙庥

此自然之理也夫公家之利知無不爲而尸位素餐之徒苟且依違因循推諉奸不敢發弊不敢除任滋蔓之難圖致養癰而不悟蓋其於

國家休戚漠不相關彼固以爲全軀保妻子之謀莫是過也而不知心不盡力不竭欲望

天恩之垂佑得乎我

皇上洞觀錫習

頒發訓言

諭以轉禍爲福之機

勗之先公後私之義使大小臣工人人正心修慝善

承

天貺而

綱維主宰更明

示之以仁心化天下一言蓋本

具蒼生物之心包含徧覆所由

元氣彌綸中外禔福休休乎順氣之成象也

是日董誥等奏遵

旨查明九月十五日受傷身故之正黃旗頭等侍衛

那倫鑲黃旗護軍烏勒興阿勒福伊官太伊靈

太成太鑲藍旗護軍達克塔那內火器營鑲藍

旗鳥鎗護軍校得玉鑲黃旗蒙古鳥鎗護軍察
普都爾扎布步軍統領衙門正紅旗滿洲步甲
代寧喜德內務府正白旗護軍校四德鑲黃旗
護軍恒慶金得福保常承德陞慶祥達寧阿披
甲安保慶福鑲黃旗匠役譚三格常昇滿昆增
福正黃旗匠役李老兒恒兒四小兒進保長德
正白旗匠役吉蘭泰德安吉林福亮鑲黃旗校

尉全福正白旗校尉永恒鑲藍旗漢軍武備院
弓匠六十五文穎館候選從九品供事倪大銓
蘇濤候選未入流供事戴杰及茶房李得共四
十一員名又受傷諳達觀定保鑲黃旗護軍校
雙喜噶隆阿護軍增林德貴哈靈阿富森布皂
德虔德保富成阿富通阿烏林布德楞額同春
德山噶隆阿鑲白旗護軍校海亮鑲藍旗護軍

全祿內火器營鑲白旗副烏鎗護軍叅領雙德
蒙古烏鎗護軍阿木爾台正藍旗烏鎗護軍雙
泰步軍統領衙門鑲白旗協尉慶福正紅旗步
軍校福祿保正白旗委步軍校富桑阿正黃旗
步甲永存阿年太正紅旗步甲德祿高有鑲白
旗步甲德住伊爾七格富成正藍旗步甲周德
四爾良玉內務府鑲黃旗護軍叅領壽格護軍

校承格護軍郭陞阿正白旗護軍倂子鑲黃旗
披甲和尚清亮立住正黃旗候補郎中穆翰司
匠白達塞鑲黃旗匠役蘇住兒慶林正黃旗匠
役周狗兒正白旗匠役四兒正黃旗匠役常清
金常清鑲黃旗匠役劉套住正白旗蘇拉開泰
鑲黃旗蘇拉皂保正白旗蘇拉二格鑲黃旗蘇
拉德貴正黃旗校尉張普鑲黃旗校尉二格文

金史卷之六十五 兵志一
穎館候選未入流供事張秉禮纂修官陶樑跟
役駱升內閣茶房李忠共六十員名分別開單
具

奏得

旨覽奏實深哀憫那倫等四十一員名俱照陣亡例
賜卹觀定保等六十員名俱照軍營受傷例給賞
同日董誥等會同刑部奏請將審明從逆太監

楊進忠凌遲處死病斃逆犯林四剉屍均梟示
得

旨楊進忠著卽凌遲處死林四著剉屍一併梟首示
衆

董誥等會同刑部又奏言查連日審訊逆案節
經步軍統領等衙門陸續解到犯証三百餘名
臣等逐加審訊除同謀逆黨及犯屬緣坐並僅

止傳教各犯悉心嚴鞫分別定擬具奏外現在
研訊各犯內有自首之張大等四名口及無干
之董六等十三名均訊與逆案無涉相應奏

聞請

旨概予省釋嗣後京外各衙門有因形跡可疑陸續
解到人犯如果質對明確實與此案無干均請
照此辦理以仰副

皇上除莠安良禁止株連之至意奏入

上從之

九月二十八日

辛卯

溫承惠奏言連日探報豫省

之賊在滑縣及大伾山一帶分屯各處村莊不

時滋擾山東賊匪由定陶曹縣等處西竄欲與

豫賊合夥而直省長垣開州東明三州縣與東

豫連界之處時有匪徒出沒侵擾查大名所屬

州縣皆孤懸於東豫之間東豫賊匪倘分股四
出搶掠蔓延則官兵被其牽制今東省匪徒陸
續向河南奔竄如果全入豫境三省正可合兵
會剿一鼓殲擒此時轉可不必防其竄合惟

臣

所調官兵因沿途車馬不敷行走尙未到齊並
接同興色克通阿來信東豫征兵亦未齊集

臣

現暫住大名籌備後路及糧餉諸務一俟兵到

立即前赴開州該處距滑縣曹州等處均不過
百里屆時確探賊蹤卽行進剿

溫承惠又奏言竊照此次直隸長垣開州東明
三州縣被賊匪撲城騷擾均甚危迫各該境士
民於官兵未到之前奮不顧身隨同地方官晝
夜悉力抵禦俾城垣得免疎虞並於各村莊募
集壯丁共相保護殲獲匪徒餘賊不敢肆擾殊

屬急公尙義臣不敢壅於上

聞再臣據各處探報有山東賊衆三千餘人已竄入滑濬一帶獲犯審訊據供該匪等有欲行入山之語查濬縣原附近太行山賊匪如果竄往該處剿辦費手除再行札會高杞作速派兵嚴堵外並防賊匪南竄渡河仰懇

聖恩勅下高杞祇遵辦理再奉

旨賞派火器營官兵一千名幫同剿捕該官兵向係馬隊可否將所需馬匹一併

賞撥乘騎則出京到營更可迅速

同日同興奏言現在賊勢仍分聚於曹縣定陶之各村莊聯結聲勢以待官兵各賊巢雖均聚集千餘人及數百人不等其中被其裹脅者甚多臣已遍行出示曉諭准其及早投誠予以生

路庶賊黨易於渙散并據運司劉清稟報鉅野縣之田家集亦有賊匪經該縣王朝恩帶領民壯百名於十九日夜前往搜捕殺死拒捕賊二名拏獲匪犯李忻登等十五名內有一名馬朝棟卽係曹縣戕害縣官姚國旃之犯訊據供稱該犯係金鄉人與長坦教首徐輞幹俱係同黨伊卽係已獲張建木之壻於本月初十日各帶

刀仗聚集多人直入曹縣署中將知縣戕害該
犯上前割取頭顱並將婦女殺害而散並據供
伊等俱奉滑縣卦主李姓爲總當家其餘懶幹
一犯已由曹縣回長垣該犯來探官兵消息等
語現飭將該逆先行凌遲處死再將被獲之十
四犯訊明分別辦理至臣所調各兵到者已逾
千名卽可相機進剿第聞西南兩路直豫省皆

有兵到徐州鎮總兵沈洪亦已帶兵在豐單交界之劉家集堵禦若直隸東明長垣之賊由開州分竄東北則山東之濮州觀城朝城三州縣城孤兵少適當其衝該處爲曹州後路更爲緊要臣現飭登州續調之兵截留二百名藉資堵禦其直省匪徒所供定陶郃舉人聚集滋事一節查東省前接荷澤縣葉肇柟稟報亦有滑縣

賊人供稱大頭目邵舉人之語今研訊獲犯皆
不知其底裏現差精細標兵赴定陶一帶查探
俟得實在姓名籍貫再行具奏至給事中陸泌
奏團練鄉勇以代賑濟實屬堅壁清野之良法
臣已通飭各屬勸諭鄉民團習技勇日給口糧
加意經理並遵

旨不許隨同打仗致滋流弊

同日察哈爾都統貢楚克扎布奏言竊

臣欽奉

諭旨乾卦頭目華姓現在宣化府地方著卽選派妥

幹員弁前往密訪捕拏毋任竄逸勾結等因

臣跪

讀之下當卽密派妥幹員弁改裝分路前往宣

化府屬一帶地方令其不動聲色設法購線嚴

密訪拏並密札宣化鎮府一體躡緝倘有拒捕

情事

臣

卽親自帶兵前往剿捕均奏入

上命軍機大臣傳諭溫承惠曰豫省之賊現據探報
尙在滑縣及太伾山一帶分屯山東賊匪由定陶
曹縣等處西竄將與豫賊合夥而直省長垣開州
東明三州縣與豫東連界之處時有匪徒出沒滋
擾現在三省邪匪聚集交界處所該督當會集官
兵確探賊蹤相機進剿前挑備健銳火器營官兵
各一千名分赴河南山東協剿嗣因京城有賊匪

突入禁門之事京營勁旅未便調發多名外出已
降旨暫行停止本日特降諭旨另調吉林黑龍江
官兵各一千名令其前赴軍營協剿並調派察哈
爾馬匹令該官兵騎往於剿捕自更得力但該處
程途窵遠到彼尙需時日該督不得因有此旨曠
日坐待當速催直省現調官兵迅速來營兵力一
齊尅期進剿不可遷延時日至該督所奏訊據賊

探供稱該匪等有西竄入山之語衛輝地方毗連
太行山已降旨諭知衛齡派令總兵張績帶領官
兵前赴潞澤一帶山外嚴行防堵該督此時已逼
近賊巢當督率弁兵奮力剿賊務期一鼓殲除早
奏捷音

上又命軍機大臣傳諭同興曰據同興奏鉅野縣知
縣王朝恩於所屬田家集地方殺死拒捕賊犯二

名拏獲匪犯李忻登等十五名內馬朝棟一名訊
係曹縣戕害縣官姚國旃之犯現已先將該犯凌
遲處死等語該逆犯馬朝棟手刃縣官不法已極
今於竄逸後卽被拏獲予以寸磔可見該逆等罪
大惡極天理不容此等兇逆匪徒應手就獲天道
助順看來逆匪必可迅速剋平前曾挑備健銳火
器營官兵各一千名分赴河南山東協剿嗣因京

城有賊匪突入禁門之事京營勁旅未便調發多名外出本日已降旨另調吉林黑龍江官兵各一千名並調派察哈爾馬匹令該官兵騎往於剿捕自更得力但該處程途寫遠到彼尙需時日該撫不得因有此旨曠日坐待轉致子賊以暇得肆其勾結奔竄之計該撫所調官兵到齊者已有千餘卽當相機進剿賊匪烏合之衆裹脅者居其大半

一經接仗卽紛紛逃避其抗拒正賊諒必無多該撫當思一戰成功不待吉林黑龍江官兵到彼已將全境肅清方爲實心任事之大臣至前經降旨飭拏之李萬成宋驪濠二犯現尙伏而未動該撫派人往拏不可稍動聲色卽如首逆林清係賊匪總頭目所有禁門滋事及滑縣等處匪徒皆由伊主使調撥該逆犯潛匿京城附近宋家莊經步軍

統領衙門遴派把總一員帶同眼目一人番役三人登時掩捕並未稍借兵力今李萬成宋躍濫等犯在東昌德州潛匿該撫當遴派曉事員弁密同地方官查探確蹤出其不意猝然擒拏自不能逃遁切不可稍涉張皇致聞風免脫或糾衆拒捕辦理又形棘手現據該撫奏稱曹定匪徒人數雖多被脅者衆已出示徧諭令其及早投誠予以生路

所辦甚是該撫於臨陣對敵時飭知領兵將弁如
係白布纏頭及腰繫白巾持械抵禦之賊卽痛加
殲戮若脅從之衆或降或竄不妨網開一面不可
妄殺被脅良民使其無路可歸轉與賊衆結成死
黨至接仗之時匪徒蜂聚毫無紀律其器械不全
所最畏者火器官兵宜令鳥鎗在前迎頭轟擊自
能所向克捷但當於賊匪臨近鎗力可到之處始

行打放並嚴禁鎗口向高錢糧虛發方能發必中
的賊衆一經鎗斃無不轉身奔逸再令弓箭刀矛
併力齊施何難一鼓殲除該撫若能剿殺多賊得
有大勝仗卽由六百里馳奏但不可以少報多以
輕報重蹈從前軍營陋習卽保奏出力人員亦當
擇其打仗立功實係奮勇者核實保奏無稍冒濫
上又命軍機大臣傳諭衡齡曰據溫承惠奏稱探有

山東賊衆三千餘人竄入滑濬一帶拏獲賊犯據供該匪等有欲行入山之語現札會高杞派兵堵禦等語河南衛輝西北附近太行山與山內澤州潞安兩府地方在在毗連該處山徑紛歧如賊匪乘隙竄往剿辦更爲費手著衡齡飭知該處文武員弁先事團防凡卡隘處所悉留心堵禦大同鎮總兵張績久歷戎行派令選帶弁兵前往山外扼

要處所駐劄如有賊匪竄近卽迎頭剿擊勿令一名闌入山內

上又命軍機大臣傳諭那彥成曰豫省賊匪現在衛輝滑縣一帶屯聚衛輝迤西係懷慶洛陽接連陝州其迤北由彰德近接太行界連山西澤潞恐賊匪狡計百出乘間四竄那彥成接奉連次諭旨自已由蘭州起程著迅速行走帶領西安馬隊官兵

探明賊蹤迎頭截剿前來毋稍稽遲

上又命軍機大臣傳諭貢楚克扎布曰華姓係賊匪
頭目現尙伏而未動該都統派人查拏不可稍動
聲色卽如首逆林清一犯係賊匪總頭目經步軍
統領衙門遴派把總一員帶同眼目一人番役三
人登時掩捕並未稍借兵力今華姓賊目在宣化
府屬一帶地方潛匿該都統當遴派曉事員弁密

同地方官查探確蹤出其不意猝然擒拏該犯自
不能逃遁切不可稍涉張皇轉致聞風免脫再本
日因軍營需用馬隊已諭知喜明富俊調撥吉林
黑龍江兩處官兵各一千名前往協剿該官兵等
所騎馬匹長途行走恐致疲乏過京時必須更換
著貢楚克扎布卽在該處馬羣內挑備廐壯者二
千匹或再多備一二千匹約計吉林黑龍江兩處

官兵將屆到京之時將馬匹押送到京以便更換
切勿以疲瘦者充數致有貽誤

上諭內閣曰前經有旨令喜明富俊於吉林黑龍江
官兵內各挑備一千名預備軍裝馬匹聽候調遣
現在軍營需用馬隊著派德寧阿色爾滾帶領吉
林官兵一千名蘇青阿達斯呼爾岱帶領黑龍江
官兵一千名各騎本處馬匹卽速起程由京分赴

河南山東軍營協同剿捕所有沿途應行預備事宜著各該地方官妥爲籌備

上又諭內閣曰直隸長垣開州東明三州縣現被賊匪滋擾該處士民隨同地方官悉力抵禦保固城垣並捐貲募集壯丁於各村莊共相守衛士民急公尙義甚屬可嘉該三州縣連年收成本未豐稔茲又經匪徒滋擾深堪軫卹著加恩將長垣開州

東明本年應完新舊錢糧并借給本折口糧倉穀等項概予豁免

九月二十九日

壬辰

上命工部侍郎護軍統領慶祥乾清門侍衛副都統桑吉斯塔爾帶領外火器營官兵五百名副都統長慶副都統積德帶領健銳營官兵五百名分起前赴溫承惠軍營協同剿捕

是日高杞奏言查賊匪經官兵於本月二十二
日剿殺之後雖知斂戢然到處逼脅爲數頗多
濬縣雖已解圍而屯聚滑縣道口之賊不下二
萬有餘附近村莊亦多潛匿滑縣距濬縣二十
五里道口距濬縣十八里臣帶兵僅止二千除
守營外實在打仗者不過一千七百名軍營左
右前後俱有蠢動之機似此單薄之兵實未便

分途率進爲今之計惟當暫駐濬縣以待調齊
各兵再行剿辦並懇

聖恩仍將格布舍所帶火器營兵一千名

勅令迅速來豫以資協剿

同日西安將軍穆克登布副都統富僧德額勒

金泰奏言竊_臣等欽奉

諭旨挑派官兵預備赴豫協剿_臣等遵卽於所轄五

千兵內挑派健勇馬隊一千名其帶隊官員擇其素歷戎行奮勉勇往之協領佐領等三十二員將應需馬匹軍裝火藥等項均已寬爲預備一俟那彥成到西安時臣富僧德卽當帶領隨往臣等現又密派官兵一千名妥爲預備設再有調動臣穆克登布額勒金泰等二人內當臨時酌定一人帶領前往均奏入

上命軍機大臣傳諭西安將軍穆克登布副都統富
僧德額勒金泰曰豫省賊匪現在屯聚滑濬一帶
亟須兵力剿辦著富僧德卽將挑出馬隊官兵一
千名帶領迅速馳赴河南滑濬一帶高杞軍營幫
同剿捕其另備官兵一千名著穆克登布等挑選
齊全并預備軍裝等項一俟那彥成行抵西安卽
交與統率前赴河南督剿穆克登布與額勒金泰

應留駐西安鎮靜彈壓毋庸請赴軍營

上又命軍機大臣傳諭那彥成曰本日據高杞奏稱
滑濬一帶屯聚賊匪約有二萬人其附近村莊尙
多潛匿豫省兵力單弱不敷剿辦現已有旨傳諭
富僧德先帶西安馬隊官兵一千名馳赴高杞軍
營幫同剿捕並諭穆克登布另派西安兵一千名
預備軍裝等項那彥成行抵西安卽自行統率續

派官兵或添調綠營兵五百名一千名經赴河南
滑潯一帶相機進剿彼時溫承惠軍營亦近在該
處那彥成卽接受欽差大臣關防總統辦理

上又命軍機大臣傳諭溫承惠日本日據高杞奏稱
潯滑一帶賊衆屯聚約有二萬餘人此外村莊尙
多潛匿賊匪以裹脅爲事高杞奏報之數諒亦不
虛官兵若不起緊痛剿則賊匪愈聚愈多豈不更

滋蔓延恐東三省官兵路遠不能卽到本日已特派慶祥桑吉斯塔爾管帶火器營官兵五百名長慶積德管帶健銳營官兵五百名星速馳赴溫承惠軍營協同剿捕惟京兵馳突全資馬力著溫承惠預爲籌備以便京兵到彼應用無缺至高杞衛輝一路現已飛調西安馬隊一千名派該處副都統富僧德帶往協剿同興曹州一路亦另派總兵

沈洪管帶徐州兵一千名前往協剿三面官兵雲集聲威壯盛溫承惠務當通籌全局鼓勵將士兜圍逼剿將逆匪迅速掃除以慰厘注

上又命軍機大臣傳諭高杞曰高杞奏河南賊匪屯聚滑縣道口者不下二萬有餘附近濬縣村莊尙多潛匿現在兵丁僅止二千除守營外能打仗者不過一千七百名衆寡不敵礙難輕進但兵貴神

速賊匪屯聚雖多大率皆烏合之衆裹脅者居其大半其中真賊有限若不乘勝痛剿則賊匪乘間擄掠愈聚愈多將來更形滋蔓昨已調撥吉林黑龍江馬隊二千名馳往會剿聲勢浩大賊匪自必膽寒今恐東三省官兵到彼需時本日又降旨由六百里諭令西安副都統富僧德管帶西安馬隊一千名星速馳赴河北瀋滑一帶協助高杞西安

距河北不遠兩旬以內定可趕到該撫仍先就現有兵力察看機宜乘勢進剿毋稍觀望現在溫承惠大名一路已添派慶祥等管帶火器健銳營官兵一千名前往其同興在曹州一路亦已添派沈洪督率徐州鎮兵一千名前往東北兩路皆有勁兵犄角高杞惟當鼓勵將士將濬滑一帶屯聚之賊迅速掃蕩一舉肅清佇望捷音以慰廛注

上又命軍機大臣傳諭百齡同興烏爾卿額沈洪曰
現在山東賊匪屯聚于曹單之間同興以兵力未
齊尙未進剿兵貴神速若不亟加剿辦則該匪等
乘間裹脅愈聚愈多昨已降旨調撥吉林黑龍江
馬隊官兵二千名交該處副都統德寧阿等帶往
協剿但東三省路途較遠恐行走不能迅速前派
徐州鎮沈洪帶兵一千名在江南山東交界防堵

現在百齡已親往徐州一帶相機防禦著沈洪卽統領原帶兵一千名迅赴同興軍營幫同進剿同興處又添此一路兵力聲勢壯盛務卽親身督率向賊匪屯聚處所痛加剿洗毋再遷延觀望致令賊勢日張至江南邊界一應防堵事宜著百齡烏爾卿額會同籌畫確探賊蹤隨宜防堵勿使賊匪一名乘間闖入

上又命軍機大臣傳諭章煦曰昨經降旨派吉林黑龍江官兵二千名馳赴河南山東軍營協同剿辦現復據高杞奏稱濬滑一帶賊匪屯聚有二萬餘人此外村莊尙多潛匿恐兵力不敷剿辦等語除高杞一路已添派西安馬隊一千名前往協剿外本日復又派慶祥桑吉斯塔爾管帶火器營官兵五百名派長慶積德管帶健銳營官兵五百名馳

赴溫承惠軍營協剿此項官兵係由城外起身分
四起行走每起二百五十名其沿途應行預備車
輛馬匹著章煦遴派道府大員督率地方官妥爲
籌備務令迅速行走毋稍稽延

同日章煦奏言現在軍需緊要除藩庫存貯項
下有三十餘萬兩可以借動遵

旨截留各處解京銀兩外請再於長蘆運庫撥銀二

十萬兩備用奏入

上從之

九月三十日

已安徽巡撫胡克家奏言

臣因豫

省睢工漫口黃水下注亳州蒙城被淹親往勘

辦撫卹起程時卽聞直隸山東河南有賊匪戕

官滋事之案飛咨署壽春鎮副將陳均挑選官

兵速赴潁屬各交界隘口分布巡防并飭宿州

營都司王金堂督帶弁兵駐守邊界茲欽奉

諭旨嚴密堵禦遵卽飛行署壽春鎮陳均挑足勁兵

一千名帶赴潁亳一帶與河南交界處所分駐

防守俟喀勒吉善回任移交欽遵辦理

臣

現在

兼程行走由亳州一帶勘辦撫卹卽親至宿州

察看情形妥爲督辦期於防禦嚴密不使賊匪

闖入奏入

上命軍機大臣傳諭胡克家曰安省潁亳所屬地方
在在與豫省毗連鳳陽府屬之宿州接壤徐州亦
與東省密邇現在豫東二省賊匪屯聚濬滑定曹
一帶各路官兵四面雲集一經剿殺該匪等勢必
紛紛四竄該撫現飭知署壽春鎮帶兵一千名前
赴交界處所分駐防守本任總兵喀勒吉善已令
星馳回任該撫惟當督率地方文武各官加意巡

防無令賊匪一名闖入境內安省潁亳一帶地方
民情素稱獷悍該撫當時刻留心鎮靜彈壓爲要

同日福長安奏言竊

臣欽奉

諭旨著於溫承惠指派各營內揀派官兵六百名前
赴軍營協剿等因

臣

查古北口額兵二千六百五

十七名溫承惠前已派調一千名餘兵未便再
加徵調今擬派山永三屯二協兵四百名昌平

石匣兵二百名共計六百名飭交將備帶領前
赴軍營協剿奏入報

聞

同日山東布政使朱錫爵按察使劉大懿奏言
竊照金鄉等縣拏獲教匪崔士俊張建木等犯
先後解省審辦前經撫臣將崔士俊等七犯審
明先行正法恭摺奏

聞在案茲

臣

等督同濟南府知府疑圖復提張建木

各犯嚴加熬審除張建木卽張建模入教傳徒

黨逆不法朱成珍聽從入教備知逆跡高毓藻

蘇華普李成先李百林李允和李照遠楊靄行

趙成元周廷林周拴等或習震教或習離教輾

轉傳徒妄布妖言該十二犯罪應擬斬均經恭

請

王命正法外其高繼遠卽卽添佑接充教首罪應擬
絞劉汝霖牛香姚體成李曰聚李傳信程振環
程振謨程中典李曰均李世剛李曰明張清先
賀書堂張淑標褚貴全李明魁周存保周體清
翟興貴周緒軒李允党高峻峯楊玉錦劉佉劉
五張文明王普仁靳清和張衡呂興周李敬修
李樂成李一祥李振柱楊凝楊麻三十六犯習

金元二方書目卷一
教爲從應發新疆給額魯特爲奴現當邪匪滋
事之時應請從重一併絞決請

旨定奪其已故世習離卦教首高道遠之子高魁元
並發往烏魯木齊種地等因奏入得

旨高繼遠卽卽添佑著卽處絞劉汝霖牛香姚體成
李曰聚李傳信程振環程振謨程中典李曰均李
世剛李曰明張清先賀書堂張淑標褚貴全李明

魁周存保周體清翟興貴周緒軒李允党高峻峯
楊玉錦劉佞劉五張文明王普仁靳清和張衡呂
興周李敬修李樂成李一祥李振柱楊凝楊麻三
十六犯均著改爲絞決餘照所擬完結

是日刑部奏查明堵賊不力之各

禁門該班官兵分別定擬請

旨

上諭內閣曰董誥等遵旨查明蒼震門東華門西華門各該班官兵於賊匪突入滋事時不能堵捕分別定擬一摺所議俱是各官兵值班禁門稽查出入乃於賊匪闖入時不能抵禦擒縛任令突入禁垣其罪甚重但其中亦有差別當賊匪突入東華門時東華門官兵均會上前撲捕立將門扇扃閉在後賊匪不得續入現在審訊逆犯搶入東華門

者不過四五人是該官兵尙知奮勇防守惟不能
捕禦淨絕究屬懦弱所有東華門該班之副叅領
雙福護軍校真武保雙全均著革職護軍巴彥圖
官紹傅森布泳恰布全泰崑崙保鐘安瑪達春雙
祥富清阿德克金布富克精額嚴喜那林均著責
革原擬發往吉林當差之處著加恩寬免其西華
門該班官兵若亦如東華門之奮力撲捕賊匪縱

或闌入爲數無多易於擒殲亦可寬減其罪乃該官兵等疎懈畏葸致賊匪擁進數十人之衆禁門被賊先行關閉在內滋擾其罪無可末減所有西華門該班之副叅領雙全護軍校達哈布著革職護軍八十九忠貴德成富桑阿舒靈阿長慶春和常年常保住長麟多隆武伊克敦布那清阿倭陞阿那林保廣音額偉格海祿達興等均著革退並

照原擬先行柳號兩個月發往黑龍江當差至蒼
震門值班官兵切近內廷責任尤重乃不能竭力
抵禦致賊匪闖入二名本罪無可寬惟念人數衆
多概寘重典朕心不忍所有蒼震門該班之副叅
領齊欽護軍校明崑堪明均著革職護軍福珠隆
阿富倫保鎖住關隆瑞長榮泰依靈阿凌住得勝
保岳得福保訥蘇肯海長均著革退原擬絞決著

從寬改爲絞監候入於本年朝審情實

同日董誥等會同刑部奏審明現獲逆犯例應緣坐之家屬陳有學等六十一名口將陳有學等三名發往新疆給官兵爲奴陳馬氏等三十口發往省分較遠之福建廣東甘肅四川等處駐防官員爲奴幼孩趙春兒等二十一名口卽令各犯屬攜帶配所一併爲奴仍令各該將

軍都統等嚴加管束並聲明首逆林清及案內
謀逆各重犯陳爽等本支男犯均另行從重定
罪奏入報

聞